



ABDUL Malek Mohamed Nor hadir memeriahkan Majlis Pelancaran Sambutan Bulan Kemerdekaan Ke-56 dan Kempen Kibar Jalur Gemilang peringkat universiti di Dewan Tun Fatimah Kompleks Pentadbiran Utama UMP kampus Gambang, di Kuantan, Pahang, baru-baru ini.

Lebih 200 warga UMP raikan sambutan Bulan Kemerdekaan

KUANTAN 3 Sept. - Lebih 200 warga Universiti Malaysia Pahang (UMP) meraikan sambutan Bulan Kemerdekaan Ke-56 dan Kempen Kibar Jalur Gemilang peringkat universiti yang dirasmikan Pendaftar UMP, Mustafa Ibrahim di Dewan Tun Fatimah Kompleks Pentadbiran Uta-

ma universiti itu di sini baru-baru ini. Menurut Mustafa, sambutan itu bertujuan menyemarakkan semangat patriotisme dalam kalangan warga universiti di samping memupuk semangat nasionalisme dan cintakan negara.

"Menerusi program ini kita dapat menghayati detik perjuangan sebagai tanda menghargai keamanan negara serta melahirkan barisan kepimpinan warga kampus yang proaktif dan produktif sebagai kesinambungan kemajuan masa depan negara," katanya kepada dem-

berita di sini.

Dalam sambutan itu, bekas juara bina badan negara, Datuk Abdul Malek Mohamed Nor turut menyampaikan ceramah umum.

Selain itu, Timbalan Naib Canselor (Penyelidikan dan Inovasi) UMP, Prof. Dr. Mashitah Mohd. Yusof turut

menyampaikan Jalur Gemilang kepada 15 kakitangan universiti itu yang mewakili jabatan dan fakulti bagi menjayakan kempen kibar Jalur Gemilang.

Mustafa berkata, warga universiti itu seharusnya membentuk jati diri dengan menanam semangat

cintakan negara selain mengetahui perjuangan tokoh yang berjasa dalam memerdekakan negara.

Tambahnya, sebagai rakyat negara ini wajar bersyukur dalam menjalani kehidupan yang aman dan makmur serta tidak mudah mengalah dalam mencapai sesuatu kejayaan.